



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 12. Decimæ pro sacra expeditione transmarina.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul XIII.

A.C. 1284.

In præfatione partis secundæ religio dicitur esse tuenda per potestatem non spiritualem solum, sed profanam quoque tam contra hostes apertos nimirum ethnicos, quam adversum malos Christianos. Ut pateat has duas potestates a Deo institutas esse, adducitur allegoria duorum gladiatorum, de quibus meminit Evangelium: & additur, easdem potestates debere semper conspirare ad obsequium sibi mutuo ferendam: alioqui nec Fidem, nec justitiam durare diu in terra posse. Postea Imperator nemini debere obedientiam fertur præterquam Papæ in rebus spiritualibus. Quæ verba illius non adstrictum volunt ad morem profanis in materiis ei gerendum.

Luc. 22. v. 38

tit. 1. l. 1.

§. XII.

Decimæ pro sacra expeditione transmarina.

Rayn. n. 32.

Bellum sacrum contra Regem Arragoniæ, ac generatim tota Siciliæ recuperationem, quam Papa semper agibat animo: & in qualibet Christiani orbis regione singulares erant difficultates exequendi hoc consilium. Rudolphus electus Romanorum Rex omni operante nitebatur, suam ut potentiam in Germania firmaret, & familiam suam collocaret

ret in statu amplissimo. Castella flagra-
bat bello civili: Italia pariter gemebat
distracta diffidio belli Pisanos inter ac
Genuenses: Papa Romanos cæterosque
populos ecclesiasticæ ditioni subjectos æ-
gre continebat in officio. Undique col-
ligebantur decimæ, quas ultimum con-
cilium Lugdunense imperaverat; sed in
usus alios erant conversæ. Sic apparet
e Papæ querimoniis de mercatoribus Pi-
sanis, Lucensibus, & Florentinis, quos ad
reddendam illarum rationem volebat
adigere. Papa ipse Regi Siciliae Caro-
lo magnas concessit summas pecunia-
rum e decimis Scotiæ, Daniæ, Sueciæ,
Hungariæ, Sclavoniæ, Poloniæque pro-
venientium.

Sæcul. XIII.
A. C. 1284.
n. 15. 16. 17.

Rayn. 1283.
n. 5.

Solus Anglorum Rex Eduardus mit-
tendis Terræ sacræ suppetiis par esse vi-
debatur. S. Ludovicum in cruce in-
duenda, & in Tunetano itinere secutus,
eoque redeunte profectus in Palæstinam,
anno uno ac dimidio ibi manserat. Ita
per se ipsum noverat statum regionis, in
qua res Christiana in dies deficiebat. Si-
gnificabat identidem se illuc reversurum.
Sed anno 1282 Papam oravit, ut Angliæ
decimam terræ sacræ destinatam ipsius
fratri Edmundo permetteret, qui accepto
tunc Campaniæ Comitis titulo, Palæsti-
nam primo transitu petiturus esset: cum
ipse, (Rex Eduardus) eo iterum proficisci

Sup. lib. 85,
§. 8.
l. 86. §. 15,

N 4 haud

Sæcul. XIII. haud cogitaret. Papa 8 Jan. 1283 re-
A.C. 1284. spondit se mutatum ejus bonum propo-
 situm ægre ferre. Cum vero, addebat

Rayn. 1283.
n. 62.

n. 66.

transeundi tempus nondum sit designatum, & tantam hujus propinquitatem sperare nobis per præsentem regnorum statum non liceat, hanc decimam Comiti fratri tuo jam concedendi necessitatem videmus nullam.

n. 67.

Rex, qui sine dubio hanc decimam spe jam devoraverat, non stabat responso Papæ; sed illam occupavit ex auctoritate sua. Collectores a summa Sede constituti eandem bona sub custodia in locis sacris tutisque deposuerant. Rex custodis quantumvis reluctantis reveli figilla serasque, pecuniam omnem auferri, & ubi volebat, reponi jussit. Tunc scripsit Papæ hoc facinus purgare studens. At is probe rem edoctus Archiepiscopo Cantuariensi per epistolam mandavit ut adiret Regem, has pecunias ab eius manibus vindicaturus. Ad ipsum quoque Regem dedit litteras, in quibus hanc audaciam acriter reprehendit, ejus excusationes appellans frivolas; deinde, ut pecuniam protinus reddat, & in posterum talia omittat, præcipit, se, nisi obsequentem habeat, alias initurum vias nitans. Dabat 3 Julii an. 1283.

Rayn. 1284.

n. 33.

Est credibile Regem Eduardum Papæ hac in re fecisse satis. Is enim se

quente

quente anno comiter excepit Canonici-
 curi & virum nobilem Legatos ejus, qui
 nunciatum venerant, fore, ut resumat
 crucem, Palaestinam adeundi gratia. Pa-
 pa magnis affectum laudibus ad pro-
 missum fortiter praestandum animavit per
 litteras 26 Maji 1284 scriptas. At eo-
 dem tempore Rex complura postulabat
 ad decimas attinentia, quae Papa vidit
 non carere difficultate. Poscebat ille de-
 cimas jam collectas in Anglia, Scotia, &
 omnibus ditionis suae terris, in Wallia,
 Hibernia, Vasconia, & Pontinensi comi-
 tatu per Reginam conjugem suam ad se
 spectante. Papa reposuit: Si crucem
 hoc anno Natali Christi die induas, per-
 mittimus tibi decimas Angliae, Hiberniae,
 Walliae, quin etiam Scotiae, dummodo
 hujus Rex consentiat. Et illas accipies
 per biennium ante transitus diem, quem
 sacra Sedes praestituet. Decimae Vasco-
 niae ac Pontinenses jam datae sunt Re-
 gi Franciae ex praescripto concilii Lugdu-
 nensis. Eduardus volebat in rem suam
 vertere exactiones, quas collectores de-
 cimae fecissent potestatem suam exce-
 dendo. Papa hoc in casu puniendos
 collectores & ad restitutionem adigendos
 dixit. Recusavit etiam nomine decima-
 rum comprehendere bona morientium
 sine testamento, & primos fructus benefi-
 ciorum vacantium. Permisit tamen, ut
 N 5 Rex

Saecul. XIII.
 A.C. 1284.

n. 36.

n. 37.

n. 41. Et.

Sæcul. XIII. Rex ad iter transmarinum ante quin-
A.C. 1284. quennium adstrictus non esset. Is illud
 prorsus omisit: estque vero simillimum
 eum præter decimas nihil voluisse.

§. XIII.

*Species sacræ hostiæ Constantinopolis
 corrupta.*

Imperator Andronicus Palæologus diffi-
 dentes Græcos schismaticos in con-
 cordiam reducere semper conabatur.
 Profectus in Anatoliam, Patriarcham
 Constantinopolitanum Gregorium cum
 Pachym. 1.7. fautoribus ejus præcipuis, simulque ad-
 6. 21. 28. versarum partium, scilicet Arsenitarum
 primores illuc venire jussit. Adramiti
 agebant hyemem sumptibus Imperatoris,
 qui vernum per jejunium hujus anni
 1284 quavis hebdomade bis cum eis
 consultabat.

Interea Constantinopoli res accidit
 quæ pro terribili prodigio habebatur.
 c. 28. Vigesima Februarii, quæ hoc anno quin-
 quagesima dies ante Pascha erat (Græci
 Maur. Da- dominicam casei vocant, quia postrema
 vid. p. 40. est dies, qua cibos lacte confectos come-
 dunt) Sacerdos in templo principe solen-
 ni more sacrificans, peracta re divina vas
 Augustissimæ Evcharistiæ seu ciborium
 aperuit, ut immitteret hostias consecra-
 tas